

Парти хургиг диилврәр уктджанавдн

КПСС-н XXI-ч хург деер 1959—1965 джилмүдт олн-амтнә эдл-ахун делгрлтин контролын тоогын“ тускар ур Н. С. Хрущевин кех докладин тезисмүд барт барлгдсн занъ-гс маниг икәр байрлулдж, күч-көлснә шин диилвр күцхд омгшаруль.

Мана хөбчирин бригад эн джилиг көдлмштән сән диг күцсн дуусджана. 100 хөн болгънас 112-д хургъд авгдв, ноос государствд орулдж өг-лгнә зура 102 процент күцә-гдв. Намрар 411 хургъд болн 330 нәәднр хөд хойрлад кир-гъдж авсн ноосн терүнд бас нәмгдхмн. Хургъдиг экәсн салгъхд тедн 27,5—28,5 кило-грамм татцхав.

Мана хошд 830 нәәднр хөд бәәнә. Нидн джил хөбдин көг эртәр тәвдж, увләр хөд хургъ-ллгъиг шинкән эклдж келәв-дн. Эн көдлмшин ик чинрнъ, хө өсклгънд лавта олзтань ода

батар медгдв. Увләр гарсн хургъдин өслтнъ сән болна, намрт экәсн салгългънд 25—30 килограмм татна, ноосинь киргъдж болна.

Эн джил тегәд хошин хөб-дән шугтнъ эрт увләр хургъ-лулх болдж шийдвдн. Энүгән күцәхин кергт эртәснъ белдәд, искусствени көг тәвлгнә пунк-т гаргъвлн. Эн көдлмш дас-сн техник, ВЛКСМ-н член Та-мара Вязникова, манд ирв. Хойрдгч хөбч болдж көдл-лжәх Николай Басангов, Та-мара, би гурвн хөбдт көг тәвлгнә көдлмшиг сентябрин 19 д экләд октябрин 17-д төг-сәвдн. Искусствени көг тәв-лгъиг давтдж кевдн.

Мал увлзүллгъиг бригад сән белдвр кедж тосв. Хөбнә хошан эврәннъ чидләр ясад, шалдад эртәр дуусвлн. Ода тепляк тосхягъиг дуусджана-вдн. Бийсимдн бәәдг гер шахм, тегәд ода шин гер тос-

хджанадн. 196 тонн өвсн хө-шур зөбддж авгдв, 360 тонн эрдни-шишән силос булгдв.

Бригадин хөд сән чинәтәгъяр увлзүллгънд орджана. Нидн джилин увлин туршарт хөб-дән гару угагъяр авч гарла-вдн. Ода увлзлгън эклсн тү-рун өдрәс авн 1-ч фермин ах хөбч ур Д. Абсатировла дөрл-дәнә бооца кегъад, 100 хөбнас 115-д хургъ, хөн болгънас 4 килограмм ноос авх, хөбдәсн нег чигн толгъа гару гаргъ-лго, хөбдән сән чинәтәгъяр увләс авч гарх даалгъвр авсн көдлджанавдн.

Эн дөрлдәнд өмн гархин төләд мана бригадин хөбчир-ик шунмгъа кевәр көдлмшән кедж, парти хургиг шин ди-илврәр уктхар зүткдәнә.

Т. БАСАНГОВ.

„Раздольный“ совхозин 1-ч фермин ах хөбч.